



Na osnovu člana 3. stav (1) Zakona o službi u OS BiH („Službeni glasnik BiH“ broj: 88/05, 53/07, 59/09, 74/10, 42/12, 41/16 i 38/18), a u skladu sa odredbama 16., 17. и 18. Pravilnika o školovanju kadeta i vojnih stipendista, broj: 10-02-3-1550-41/18 od 26.04.2019. godine, a u cilju odabira kandidata/kinja za školovanje na Vojnim akademijama u inostranstvu, Ministarstvo odbrane Bosne i Hercegovine **raspisuje,**

J A V N I K O N K U R S
za školovanje kadeta na Vojnoj akademiji Kopnene vojske Oružanih snaga Republike
Italije za školsku 2020/2021. godinu

I – PREDMET KONKURSA

Ministarstvo odbrane Bosne i Hercegovine, raspisuje Javni konkurs za školovanje 1 (jednog) kadeta (rod/služba – artiljerija) na Vojnoj akademiji Kopnene vojske Oružanih snaga Republike Italije za školsku 2020/2021. godinu.

II – USLOVI KONKURSA

1. Opći uslovi su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10, 42/12, 41/16 i 38/18"):

- a) da je državljanin Bosne i Hercegovine,
- b) da je zdravstveno sposoban za službu u oružanim snagama,
- c) da nije osuđivan na безусловnu kaznu zatvora u trajanju dužem od šest mjeseci,
- d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
- e) da se protiv njega ne vodi krivični postupak za krivično djelo za koje se goni po službenoj dužnosti,
- f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
- g) da ima odgovarajuću stručnu spremu potrebnu za obavljanje određene dužnosti. (uslov koji će biti ispunjen po završetku vojne akademije).

2. Posebni uslovi:

- a) završena srednja škola IV stepen,
- b) da je postigao/la ukupan uspjeh tokom školovanja, najmanje vrlo dobar,
- c) da ima prosjek ocjena iz matematike najmanje dobar.
- d) da nije mlađi/a od 18 i stariji/a od 22 godina na dan 30.09.2020. godine,
- e) poznavanje engleskog jezika (test ALCPT),
- f) poznavanje rada na računaru (Word, Excel, Power Point, Internet),

- g) da kandidati nisu oženjeni/udati ili razvedeni, da nisu u drugom stanju i da nemaju zakonsku obavezu izdržavanje djece.
- h) fizička spremnost će biti provjerena kroz sljedeće discipline: trbušnjaci, sklekovi i trčanje na 3200 m.

Napomene: Kandidati/kinje prijavljeni na Javni konkurs proći će test fizičke spremnosti, test općeg znanja, psiho test, test iz poznavanja engleskog jezika i intervju. Sigurnosnu provjeru za svakog uspješnog kandidata/kinju izvršit će nadležni sektor Ministarstva odbrane Bosne i Hercegovine, a zdravstveni pregled kandidata/kinja, koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.

U slučaju istog broja bodova po provedenom postupku izbora kandidata, prednost ima kandidat pola, koji je manje zastupljen u OS BiH.

Rangiranja kandidata/kinja vršit će se na osnovu kriterija koje će odobriti ministar odbrane Bosne i Hercegovine i s kojima će biti upoznati kandidati/kinje koji budu pozvani na testiranja i provjere.

III – ŠKOLOVANJE, PRAVA I OBAVEZE

1. Školovanje kadeta na Vojnoj akademiji Oružanih snaga Republike Italije, traje 3 (tri) godine uz prethodno učenje italijanskog jezika.
2. Odabrani kandidat/kinja imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12, 42/12 i 50/12).
3. Po završetku školovanja, kadet će biti primljen u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.
4. Međusobne obaveze kandidata izabranog za školovanje na Vojnoj akademiji Oružanih snaga Republike Italije i Ministarstva odbrane Bosne i Hercegovine regulišu se Ugovorom o školovanju.
5. Za vrijeme školovanja kadetu su osigurani smještaj i ishrana u internatu vojno obrazovne ustanove na koju se upućuju.

IV POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na www.mod.gov.ba),
- b) Ovjerene kopije svjedočanstava svih razreda srednje škole,
- c) Ovjerena kopija diplome četverogodišnje srednje škole,
- d) Ukoliko je kandidat/kinja pohađao/la ili završio/la školu u inostranstvu, potrebno je da dostavi ovjerenu kopiju nostrifikovane diplome ili ekvivalencije svjedočanstava razreda završenih u inostranstvu od strane nadležnog organa, original ili ovjerenu fotokopiju,
- e) Original ili ovjerena kopija Uvjerenja o državljanstvu na novom obrascu, ali ne starije od 6 (šest) mjeseci,
- f) Original ili ovjerena kopija Izvoda iz matične knjige rođenih na novom obrascu, ali ne stariji od 6 (šest) mjeseci,

- g) Uvjerenje o nevođenju krivičnog postupka, ne starije od 3 (tri) mjeseca,
- h) Izjava kandidata/kinje da u posljednje 3 (tri) godine nije otpušten/a sa posla zbog povrede službene dužnosti ovjerena kod nadležnog općinskog organa (isključivo po obrascu ponuđenom na www.mod.gov.ba),
- i) Original ili ovjerena kopija dokaza o prebivalištu ne starija od 3 (tri) mjeseca,
- j) Ovjerena izjava od podnosioca prijave da nema zakonsku obavezu izdržavanje djece,
- k) Dokaz o poznavanju rada na računaru za kandidate/kinje, koji tokom srednje škole nisu imali predmet informatika, a za kandidate koji su tokom srednje škole imali predmet informatika, kao dokaz služit će ovjerene kopije svjedočanstava srednje škole. Ne dostavljati potvrdu ili uvjerenje poslodavca gdje je lice bilo u radnom odnosu, kojem poslodavac potvrđuje znanje rada na računaru, jer isti nije registrovan za obavljanje te djelatnosti, te takvi dokazi nisu valjani.
- l) Saglasnost za obradu biografskih podataka/informacija za potrebe procesa konkurisanja na vojnu akademiju (isključivo po obrascu ponuđenom na www.mod.gov.ba).

Napomena: Konkursna dokumentacija će se vraćati kandidatima/kinjama na lični zahtjev u roku od 30 dana od donošenja konačne odluke ministra odbrane BiH o izboru kandidata/kinje za školovanje.

V ODABIR KANDIDATA

Odabir kandidata izvršit će Komisija koju će formirati ministar odbrane Bosne i Hercegovine.

Testiranju kandidata mogu prisustvovati ovlaštena lica države prijema po njihovom zahtjevu.

VI PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

Sa naznakom „Javni konkurs za školovanje kadeta u Republici Italiji“

Konkurs ostaje otvoren 15 (petnaest) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave. Nepotpune, neblagovremene i neuredne prijave, kandidata/kinja koji ne ispunjavaju uslove ovog Javnog konkursa, kao i kopije tražene dokumentacije koje nisu ovjerene, neće se uzimati u razmatranje.

Broj: 10-33-2-383-6/20
Sarajevo, 12.02.2020.godine

MINISTAR

Dr. Sifet Podžić